



**Uunga siunnersuut: Peqqinnissaqarfíup iluani napparsimasut  
naammagittaalliuuteqarsinnaanerat taarsiiffigineqarsinnaanerallu pillugit Inatsisartut  
Inatsisaat**  
(Peqqissutsimut Naalakkersuisoq)

Peqqinnissaqarfípput artorsaqisoq eqqartortuarparput, inuiaqatigiillu misillertuarput peqqinnissaqarfítsinnit sullinneqarneq naammaginagu, illuanillu peqqinnissaqarfímmi sulisut tamaarsoriilipput atungassarititaasut aningaasallu amingaruinnartut qittullugit qimoqalutik.

Partiilli amerlanersaasa pointinnanniarfiinnartullusooq qineqqusaarutitut atungarivaat peqqinnissaqarfípput, inuullu inuunerata ulorianartorsiornera sallinngornagu naalagaaffinngornissaq ukkanneruaat, soorlulimi aatsaat naalagaaffinngorutta seqineq saqgerumaartoq.

Pisoqarnissaami utaqquinagu ukiut siuliini Atassummiit siunnersuuteqartarsimaqaagut peqqinnissaqarfípput pillugu, naalakkersuisuusartulli nikerartut siulliunniuttutullusooq ittarsimapput siunnersuutaasartut itigartissallugit.

Taava imannak maanna eqqarsarnarsilluni; ila pisoqaqqaarnissaajuna ilaasa utaqqisarneraat inatsisiornissaminnut?

Immaqami pisoqareeraagat qiningaaqqissinnaaneq piniarlugulusooq aatsaat iliuuseqartoqartalersimavoq, oqarsinnaarusulluni: “taamak iliorpunga, taamatut pisoqaqqeqqunagu”.

Ila taamaassagutta siunissaq eqqanaraluttuaq.

Uanili naammagittaalliuteqartarnikkut aaqqiissutissat eqaallisarneqarnissaanni, pissaganarpooq ilumut qanoq ilillugu, nukiillu suut atorlugit aaqqiiviginiarneqarnersoq. Tassani nassuiarneqarpooq qallunaat nunaannit taarsiissuteqartarnermi suliaqartunut nuunneqassasoq.

Taavamitamiuna sooq peqqinnissaqarfitta naalagaaffimmut utertinneqarnissaanik siunnersuuteqaratta itigartiinnaqinagumita allannguutissatut siunnersuuteqartoqareersimanngila?

Uagut inatsisartuni siunnersuutaareersimasut siunnersuutigeqqequasaanngilagut assigulaarpata, taava maanna assigusutut issinnaasooq naalakkersuisut qaqpaaat, tassa imaappoq, uagut inatsisartut pissaaneqannginneruvugut taamatut suliaqarsinnaanissamut sulisitatsinnit.

Taamaakkaluartoq, suliniut tapersertariaqarparput, tassami avataaniit ikiorneqartariaqarneq tassaaqqinnaartariaqanngimmat qinnuloorneq, inissisimaffitta ullumikkut sumiinnea eqqarsaatigalugu avataaniit ikuutaasinnaasut tamaasa qujaruttariaqarpagut. Naalagaaffeqartigiiimmiluani atukkagut assigliittariaqarput.

Atassummiit siunnersuut peqqissutsimut ataatsimitsitaliamut innersuupparput.